



Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 41. Novæ Benedictinorum Congreg. inita.

[urn:nbn:de:hbz:466:1-67204](https://nbn-resolving.de/urn:nbn:de:hbz:466:1-67204)

Straubingæ per Conradum Andreæ a-Sæc. XVII.
lius libellus sub titulo: *innocens Luthe-* A.C. 1601.
rus, prodiit.

§. XLI.

Novæ Benedictinorum Congregatio- nis initia.

A uspiciatore successu necnon uberiore *Hist. Eccles.*
Ecclesiæ proventu hoc anno in Lo-*de Lorrain.*
tharingiæ Ducatu perficiebatur nova Be-*tom. 3. l. 33.*
nedictinorum Congregatio sub invoca-*du P. Calmet.*
tione SS. Vitonis & Hydulphi Viroduni
erecta, cuius egregium reformationis
exemplum plures Franciæ Conventus
Ordinis S. Benedicti postea adoptarunt,
unde approbante Ludovico XIII.
facta Lotharingiorum a Gallis divisione
celebris admodum exorta est Congre-
gatio S. Mauri. Novæ autem hujus
Reformationis hæc erant initia. Civi-
lium bellorum calamitas, ac hæresum
licentia sensim non modo populum
sed & Clerum morum pravitate atque
opinionum libertate usque adeo corru-
perat, ut in antiquioribus etiam Mo-
nasteriis disciplina ferme penitus col-
lapsa videretur. Quocirca jam ante
sex annos Carolus Lotharingius Cardi-
nalis a Gregorio XIV. legatus a latere
nominatus convocatis Legationis suæ
Abbatibus cuncta Monasteria ad seve-

H 5

riorem

Sæc. XVII. riorem disciplinam revocare constituit
A. C. 1601. spe tamen sua frustratus; hæc enim
gloria Erico Valdemontii Principi &
Virodunensi Episcopo reservata videba-
tur. Hic propositum suum manifesta-
Jesuitis, quibus tantopere addictus erat,
ut Anno Christi millesimo sexcentesimo
primo nonnulli oblato libello apud Hen-
ricum Franciæ Regem quererentur,
quod hic Antistes totus ab arbitrio Je-
suitarum dependeret, atque ex ipso-
rum instinctu cuncta Ecclesiæ officia
nonnisi Viris eorum Societati propensis
concederet, proin necessarium foret,
ut Jesuitis Confessiones excipiendi fa-
cultas demeretur, eorum Congrega-
tione penitus suppressa. Dissipata hac
tempestate nihilominus in præconcepto
Benedictinos in Lotharingia reforman-
di proposito perseverat, ac inter cete-
ras Abbatiam S. Vitonis, quam fidu-
ciario nomine possidebat, velut angu-
larem novæ disciplinæ lapidem potissi-
mum eo nomine seligit, quod Monachi
ibidem sine offensione viverent, & eo-
rum potissimi Jesuitarum Sodalitati,
quam Congregationem appellant, ad-
scripti essent. Habito igitur tam Cle-
ricalorum quam Regularium conventu
præfatam Abbatiam lustrat, quo facto
Religiosi Patrem Desiderium de Cour
ad Prioris Officium communī suffragio
nomi-

nominant. Hic Vir tam profunda emi- Sæc. XVII.
 nebat humilitate, ut huic oneri nun- A.C. 1601.
 quam suos supposuisset humeros, nisi
 ipse met Episcopus eidem ob oculos po-
 suisset, quam gravem Deo redditurus
 esset rationem, si saluberrimum refor-
 mationis negotium sua præpediret per-
 tinacia.

§.. XLII.

Difficultates ex novæ disciplinæ pro- posito exortæ.

Interea Ericus, prout promiserat, a Chronic.
 summo Pontifice Clemente VIII. di- S. Bened.
 ploma impetrabat, vi cuius P. Deside- tom. 4. c. 9.
 riarius Abbatiam S. Vitonis e solituore fol. 183.
 disciplina ad primævum S. Benedicti in-
 stitutum reducendi, ac reluctantes Ec-
 clesiasticis etiam censuris coercendi fa-
 cultatem obtinuit. Pontificiis hisce li-
 teris in Religiosorum confessu perfectis
 de opportunis hanc Reformationem ad
 exitum deducendi mediis agebatur, ubi
 plurimorum sententia eo abibat, per
 nova statuta Religiosos unice ad id com-
 pellendos, ut servatis tribus Votis abs-
 que Superioris permisso e Monasterio
 ad urbem nonnisi comitante socio exi-
 rent, simulque ea, quæ privatim pos-
 siderent, in commune referrent, cun-
 ctisque de omnibus ad mensam, &
 vesti-